



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 100. Vicentia a Germanis, & Gallis obsessa captaque.

---

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)



**Sæcul. XVI**  
**A. C. 510**

sponso Maximiliani Legatum valere iussit, imo animo etiam constituit, cum Ludovico Rege in gratiam redire, dummodo ille jura, quæ in Genuam, & Neapolis Regnum habere contenderet, missa faceret, omnesque copias suas ex Italia revocaret, ac denique Alphonsum Ferrariæ Ducem, usquedum Comacium reliquisset, tueri cessaret. Verum cunctis hisce conditionibus rejectis, Ludovicus totus in eo erat, ut bellum pararet.

§. C.

*Vicentia a Germanis, & Gallis obsessa captaque.*

*Mocenico  
belli Camerac.  
lib. 3.*

Ergo uterque exercitus castra movet, atque Anhaltensis Comes, cui Cæsar nomine suo supremum exercitus imperium in Italia detulit, in Veronensi agro quingentos lancearios, peditesque mille contraxit, quibus accesserunt mille quingenti cataphracti, peditumque decem milia, Ductore Calvimontio Marefcallo: Dux quoque Ferrariensis ducentos miserat cataphractos, & quingentos levis armaturæ equites, additis duobus peditum millibus. Hæ copiæ, Pado flumine trajecto, nemine obsistente Peninsulam Rhodigianam occupant, inde Castelli-Padi Athesin superantes Montanianam Athesiam, aliasque Patavini tractus urbes in deditionem acci-



accipiunt, demum vero recta Veronam contendunt. Veneti interea, cum viribus suis diffisi urbem tueri posse desperarent, continuo pedem referebant, unde Vicentini nequidem obsidionis initium sustinentes, missis ad Anhaltensem Comitem clavibus, urbem dederunt. Equidem Comes cunctos incolas, ipsosque præsi-diariorum jugulari decreverat, præsi-dii Germanici anno priori ab eis expulsi injuriam ulturus; ast Marescallus Calvimontius magis humanus, miseris vitæ gratiam exoravit: hi tamen, quamvis urbis suæ deprædationem centum aureorum millibus redemissent, mediamque hujus summæ partem mox numerassent, nihilominus eorum domus exspoliatae fuerunt, imo & illi, qui in quadam caverna prope urbem primo Victorum furori sese subduxerant, fumo suffocati perierunt, Germanis ad cavernæ ostium ignem succendentibus.

Sæcul. XVI.  
A.C. 1510.

§. CI.

*Cardinalis de Ambasia obitus.*

Parta hac victoria, potissima Germanorum pars deficiente ære militari signa deserebat; unde Calvimontius Patavina obsidione frustratus, nonnisi Leoniacum cingere poterat, quod etiam subegit, hac urbe interjecta Vicentinis aditum

*Petr. de Ang. epist. 338.  
Vita Card. Amb. apud Bayard. c. 40.*

I 5 ad